



Broj: 11-19-11-2-2614-V/25

Datum: 06.11. 2025.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2025. godinu, v.d. direktora Federalne uprave policije, d o n o s i:

ODLUKU

o otkazivanju postupka Javne nabavke rezervnih dijelova za vozila iz programa OPEL
za LOT 5

1. Prihvata se prijedlog Komisije za otkazivanje postupaka nabavki u postupku Javne nabavke rezervnih dijelova i servisnih usluga za vozila iz programa Volkswagen, Land Rover, Ford, Hyundai i Opel za LOT 5 – Nabavka rezervnih dijelova za vozila iz programa OPEL, u skladu sa članom 69. stav (3) ZJN BiH.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-2614/25 od 06.08.2025.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke rezervnih dijelova i servisnih usluga za vozila iz programa Volkswagen, Land Rover, Ford, Hyundai i Opel za LOT 5 – Nabavka rezervnih dijelova za vozila iz programa OPEL, po Obavještenju o nabavci broj: 1412-1-1-223-3-141/25 od 11.08.2025. godine, objavljenom u "Službenom glasniku BiH" broj:49/25, dana 15.08.2025. godine.

Procjenjena vrijednost javne nabavke za LOT 5 – Nabavka rezervnih dijelova za vozila iz programa OPEL, iznosi 4.080,00 KM bez PDV-a.

Komisija za provođenje otvorenih postupaka javnih nabavki je dana 01.09.2025.godine, izvršila radnju Otvaranja ponuda za Javnu nabavku rezervnih dijelova i servisnih usluga za vozila iz programa Volkswagen, Land Rover, Ford, Hyundai i Opel koja je podijeljena na LOT-ove, o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za LOT 5 – Nabavka servisnih usluga za vozila iz programa OPEL, Komisija je utvrdila da su za navedenu nabavku do određenog krajnjeg roka za dostavljanje ponuda pristigle ukupno (2) dvije ponude i to: Ponuda ponuđača Kare d.o.o. Sarajevo broj: 141525/25 od 01.09.2025.godine sa ponuđenom ukupnom cijenom od 4.000,00 KM bez PDV-a i Ponuda ponuđača Mirado d.o.o. Tuzla broj: I-3838/25 od 19.08.2025.godine sa ponuđenom ukupnom cijenom od 4.074,32 KM bez PDV-a, kao i da su ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Obzirom da je za navedenu nabavku predviđeno provođenje e-Aukcije, Komisija se u odnosu na prihvatljive ponude pismeno obratila Sektoru za finansije i javne nabavke radi provođenja iste, nakon čega je Sektor za finansije i javne nabavke aktom broj: 19-19/2-11-2-2614 od 03.11.2025.godine informisao Komisiju da za LOT 5 – Nabavku rezervnih dijelova i servisnih usluga za vozila iz programa OPEL, nije zakazana i provedena e-Aukcija jer postoje vozila koja su još uvijek u garantnom roku, te kako Federalna uprava policije ne bi za vozila čiji rezervni dijelovi se nabavljaju izgubila garanciju provođenjem servisa u eventualno neovlaštenom servisu, predloženo je da se u skladu sa članom 69. stav (3) ZJN BiH za navedeni LOT, izvrši otkazivanje postupka nabavke zbog dokazanih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obzirom na navedeno, Komisija je u skladu sa članom 69. stav (3) ZJN BiH predložila da se za Javnu nabavku rezervnih dijelova i servisnih usluga za vozila iz programa: Volkswagen, Land Rover, Ford, Hyundai i Opel za LOT 5 - Nabavku rezervnih dijelova i servisnih usluga za vozila iz programa OPEL, donese odluka o otkazivanju postupka nabavke zbog dokazanih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke, što je konstatovala u Zapisniku o pregledu i ocjeni ponuda od 04.09., 25.09., 21.10. i 06.11.2025.godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**V.D. DIREKTOR
(Načelnik SKP-a)
GLAVNI INSPEKTOR**

Vahidin Munjić

Dostaviti:

- Sektor za finansije i javne nabavke
- ponuđačima
- u spis

